

Հավելված N 4

ՀՀ պետական եկամուտների կոմիտեի նախագահի
«05» հունիս 2023թ. N 560-Լ հրամանի

() / (040823) / (759/6)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՆՆԵՐԻ ԿՈՄԻՏԵ
ԱՐԵՎԵԼՅԱՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը բնորոշ ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«04» օգոստոս 2023 թ.

(ամսաթիվը)

ք. Վանաձոր

(կազմման վայրը)

Ես՝ ՀՀ պետական եկամուտների կոմիտեի Արևելյան մաքսատուն-վարչության

(ստորաբաժանման անվանումը)

Ղեկավար Հայկ Միրզոյանս, քննելով՝ Արտակ Հովհիկի Խեչումյանի (անձն.՝ AV0571496,

հասցե՝ Նոյեմբերյան, գ. Բագրատաշեն, 4-րդ նրբ., տուն 8)

(բնվող անձի անվանումը, կազմակերպարարական տեսակը, ՀՀՀՀ, պետական գրանցման/բնակության հասցեն, փաստացի գործունեության

հասցեն / բնվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի

ՀՀ քաղաքացի Արտակ Խեչումյանը 2023 թվականի մարտի 01-ին ժամանելով ՀՀ ՊԵՎ ԱՄՎ Բագրատաշենի մաքսային կետ-բաժին իր հետ տեղափոխել է 10 կգ ընդհանուր քաշով պահեստամաս: Նույն օրը տվյալ ապրանքի վերաբերյալ լրացվել է տարանցման հայտարարագիր և բեռն ուղարկվել է Դամուար գրուպ ՍՊԸ-ին պատկանող մաքսային հսկողության տարածք: 02.03.2023 թվականին ապրանքը հանձնվել է մաքսային մարմինների ժամանակավոր պահպանմանը: Ժամանակավոր պահպանման ժամկետը ավարտվել է

03.07.2023 թվականին: Նշված ապրանքների վերաբերյալ սահմանված ժամկետում Արտակ Խեչումյանը հայտարարագիշ չի ներկայացրել:

Փաստի առթիվ 14.07.2023 թվականին Արտակ Խեչումյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Նշանակվել է վարչական վարույթի քննություն 28.06.2023 թվականին ժամը 12:35-ին, և գործի քննություն 04.08.2023 թվականին ժամը 14:30-ին, որի վերաբերյալ վերջինս պատշաճ ծանուցվել է:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի նյութերի ուսումնասիրության ընթացքում պարզվել է, որ ՀՀ քաղաքացի Արտակ Խեչումյանը 2023 թվականի մարտի 01-ին ժամանելով ՀՀ ՊԵԿ ԱՄՎ Բազրատաշենի մաքսային կետ-բաժին իր հետ տեղափոխել է է 10կգ ընդհանուր քաշով պահեստամասեր, որը նույն օրը թիվ 05100033/010323/0017038 տարանցման հայտարարագրի ուղարկվել է Դամուար գրուպ ՍՊԸ մաքսային հսկողության տարածք: 02.03.2023 թվականին վերը նշված ապրանքը հանձնվել է մաքսային մարմինների ժամանակավոր պահպանմանը /համաձայն՝ «Պատասխանատու պահպանության

ընդունման-հանձնման» պահեստային անդորրագիր թիվ 2905/: Ժամանակավոր պահպանման ժամկետը ավարտվել է 03.07.2023 թվականին: Նշված ապրանքների վերաբերյալ սահմանված ժամկետում Արտակ Խեչումյանը մաքսային հայտարարգիր չի ներկայացրել, որի հիմքով 14.07.2023թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Այսպիսով, վարույթի նյութերով հիմնավորվում է, որ Արտակ Խեչումյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածները և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1.«Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար Արտակ Հովհիկի Խեչումյանին ենթարկել վարչական պատասխանատվության՝ տուգանելով **30000 (երեսուն հազար) ՀՀ դրամի չափով:**

(նշվում է վարչական տույժ նշանակելու մասին կայացված որոշումը)

2.Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Արևելյան մարսպտուն-վարչության

(ստորագրության անվանումը)

Ղեկավար՝
(անուն, ազգանուն)

ՀԱՅԿ ՄԻՐԶՈՅԱՆ

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

(ստորագրություն)

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

«__»

20__ թ.

(որոշման օրինակի ստացման ամսաթիվը)

Ծանոթություն. Սույն որոշմամբ նշանակված արույժի գումարը ենթակա է վճարման Կենտրոնական զանձապետարանի №900005024055 հաշվեհամարին 29 ծածկագրով:

Սույն որոշումն անրողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մարսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: